



Universitätsbibliothek Paderborn

**Libelli Cvivsdam Antverpiæ Nuper Editi Contra
Serenissimvm D. Ioannem ab Austria, Gubernatorem
generalem inferioris Germaniæ, qua parte conscientiæ, vt
vocant, libertas in eo requiritur, breuis & ...**

Lens, Jean de

Lovanii, 1578

Primum Caput docet & fidem & reliqua virtutum diuinitus infusa munera,
seueritate piorum principum, ac metu recte in Christiana Repub.
conseruari.

urn:nbn:de:hbz:466:1-30345

4. Principio igitur probat id agi sine ratio-
ne, imò absurdè etiam, vt armis ac seuerita-
te pīj principis, religio Catholica conserue-
tur: propterea quod religio qua Deus colit-
tur, Dei sit donum; neque vi possit homi-
num animis inseri: quia nimis credere
aut religiosus esse, nemo queat inuitus. Hæc
si ratio gladium excutit è manibus Catho-
lici principis, ne possit eius usum ad religio-
nis conseruationem conuertere, non sinet
profecto eadem illum exerci, ad ullius in Re-
pub. vitij grassantis extirpationem. Quis
enim vel mediocriter institutus ignoret,
non modo religionem seu pietatem Dei
donum esse, verum etiam iustitiam, carita-
tem, ceterasque virtutes? Quin & à sceleri-
bus sibi temperare, nisi Dei munus esset, nō
diceret Beatus getium Apostolus, orare se
profuis, vt nihil mali facerent. Num placet
igitur quoniam hæc Dei dona sunt, vt ne-
que inter ciues iustitia, neque inter coniu-
ges pudicitia fides, neque in familijs mode-
stia, temperantia, obedientia, neque omnino
in castris disciplina, præfectorum aliqua se-
ueritate conseruetur? Quod si sic erit, abo-
lendæ leges erunt contra homicidia & adul-
teria latæ: non pater virgā filij peccatum ca-
stigabit, non dominus seruum, non magister
discipulum, non tribunus militem pœna ob-
de.

5

delictum afficiet. Cur enim illum punis, qui
ut abstineret à scelere, Dei donum non ha-
buit? Nam profecto si habuisset, abstinueret.
Quod si recte necessariaque Reipublicæ di-
sciplina scelera puniuntur, recte quoque
virtutes, quamuis Dei munera sunt, seueri-
tate conseruantur. Etenim in tanta ad de-
linquendum pronitate quantam esse conspi-
cimus, hæc ratio est virtutum bona publice
& priuatim conseruandi, si contraria vitio-
rum mala pœnis inflictis arceantur. An vi-
tiosum erit fortasse fœminam non seruasse
fidem viro, & non erit vitiosum, fidem Deo
ipſi datam violasse? aut grauis erit iniuria
verbo factōve Regiam læſiſſe maiestatē, &
nulla vel leuis erit in Deum blasphemasse?
Aut bonos ciues insectari conuictijs crimen
existimabitur, sanctos verò eius in cœlo re-
gnantes nihil erit petulantibus linguis ir-
risisse? Hæc atque huius generis alia com-
plura, quæ contra religionem Christianam
Catholicam admittuntur, si crimina sunt
maxima & omnibus dignissima pœnis, ne-
que arceri à Republica in ista exulceratis-
sima corruptione morum, nisi principum
seueritate possunt: effectum est, summa id
cum ratione coniunctum esse, ut in ea Ca-
tholici Principis gladio, cum facultas af-
fuerit, vindicetur. Qui non sine causa gla-

A 3 dium

Rome. 13. dium portat (ut beatus Apostolus inquit) minister enim Dei est, vindicta in iram ei qui malum agit. Qui autem ea punierit quæ siue factis, siue verbis sacrilegis veræ religioni aduersantur, eaque puniendo vel minuerit, vel sustulerit. è Republica Christiana; nonne is præclarè tibi videtur religionem Catholicam in eadem Republica, vel omnino, vel magna falso ex parte cōseruasse?

CAPVT

II.

AC sicut modò religio Dei donum est, sic opinor, & antea omni tempore fuit: nec ea solum ex parte Dei munus est, qua hereticorum damnantur errores, verum etiam ex ea qua gentium simulachra falsique defugiuntur. Atqui in Iudaicum populum, ne ad idola deflueret, graues minas, eiusdemque postea quam ad ea deflexisset, acerbissimas plagas diuinitus irrogatas, ignorat nemo, qui sacras litteras attigerit. Et quanquam subinde populus ille fœdè lapsus sit, tamen nonne per tot annorum centurias istiusmodi seueritate vera inter eos religio stetit, vniusque Dei cultus in illa est Republica conseruatus? Neque vero hic audiendum est, populum illum istiusmodi fuisse ratione cohibendum, quod durissimum cervicis esset. Nam neque modo dura nobis cervices defuerint: quas neque molli pietas, neque obedientia flectit; & si

et A

quis-